

題仲子書齋

寂靜書齋裡人來鳥不飛夕陽斜挂樹花氣襲朱衣

題新月壇

新月掛梅梢心清百事消玄庭高卧醒酌酒聽雲簫

明心

一片清虛境浮雲何處來蕭窗勤拂拭徐步上春臺

養性

松柏應長春幽人卧竹林清心成一點靜裡覓天真

示蔡靜一

明月池邊客山巔塔畔人石菴仙隱處紙拾桂蟾神

道藏輯要

呂帝詩集

二 室集七
川三十一

指迷二首

烏兔東西走韶光日日新自來還自去忙殺世間人

未雨牽羅補綢繆計已長寄言梁上燕空自集飛忙

琴

七弦飛雅操十指瀉松風喚覺浮生夢亭亭只印空

碁

黑白心難定何曾對面閒劫中多路險生死漫雙關

書

惆悵亡周後時儒漫檢尋各生仁與智孰到仲尼心

畫